



UNIVERSITÄTS-
BIBLIOTHEK
PADERBORN

**Scientia Salvts, Sive Considerationes Piæ, Præcipuam
Spiritualis Vitæ Materiam complectens**

Laberhittel, Samuel

Ingolstadii, 1660

49. Dominica 6. Epiphaniæ. Acrimonia sinapis perfectorum tentatio.

[urn:nbn:de:hbz:466:1-59837](https://nbn-resolving.org/urn:nbn:de:hbz:466:1-59837)

MEDITATIO XLIX.

Dominica 6. Epiph.

Acrimonia sinapis perfectorum tentatio.

Vldebo in grano sinapis majore oleribus, quòd cum creverit fit arbor, figurari viros magnæ virtutis, & perfectos, non tamen sine acrimonia tentationis. Petam intelligere, & superare ejusmodi tentationes.

Conf. 1. Quomodo perfecti, quàm diu in militia sunt, à pugna tentationis immunes non sint: quia *Pacem cum carne habere non possumus*, ait D. Greg. in Lib. 1. Reg. & D. Aug. *Tentatione unusquisque se discit*. in Psal. 36.

Conf. 2. Tentari eos interdum omnibus vitiorum generibus, Deo ita permittente ad eorum meritum, & ad aliorum exemplum. Sic Paulo datus est stimulus carnis, ne extolleretur. Magna gratia debet habere exercitium.

Conf. 3. Ut vincens manna absconditum accipiam, Apoc. 2. & in sudore vultus mei, Gen. 3. vescar Pane Virgineo: generale esse remedium SS. Eucharistiæ frequentationem docet D. Cypr. in orat. Dom. non est idoneus ad Martyrium, qui ab Ecclesia non armatur ad prælium: quia mens deficit, quam acceptâ Eucharistiâ non erigit, & accendit.

ME.